

輔
儲
編



9
3825
1



9
3825
1

輔儲編序



去五味均平藏



有客謂余曰。寡君乏使命。僕傳世子。雖無似。敢不自盡。敢問輔導之道。奈何。余荅曰。善哉。問夫世子者。國君之所傳位者也。他日國之安危。繫一人之賢不肖也。是故安國之本。在善輔導諸君也。子之任重矣。哉。今之為傅者。漫莫之省。媮合苟容。獨營其身耳。雖偶或省之。其用心亦不深矣。可

輔儲編

序

一

謂忘本也。孟子不云乎？惟大人為能格君心之非，一正君而國定矣。豈可求一日之媚而不慮將來之安危哉？請為子言之。今海內三百諸侯皆浴神祖之深仁厚澤者也。昔者神祖經歷艱難，一統四海，封子弟功臣於樞要之地，以藩屏國家。其他舊國如故，遂成封建之制。啓洪基於萬世，魏巍乎盛矣哉！三代之後，唯見於今日。

耳。文之以禮樂，何讓於周代？偃武已來到于今百五十有餘年，未嘗有動干戈。世世北民蒙無涯之渥恩，實記載所未見也。神祖之明德遠矣哉！當時子弟功臣亦各為其國始祖子孫，世其爵祿，傳其祚無窮。雖然，方今之世，昇平累朝，時移物換，風俗漸變，於是侯國侈靡，日增月長，凡百費用倍蓰什佰于國初，不遑量入而出，甚則

至仰給富商國非其國。是今世之所患也。豈非國君御相弗良圖之故哉。抑亦不學之過也。夫國君之子宮居而閨處婦人常護之。未嘗知憂。未嘗聞勞。人非聖賢。苟阿順其所好而成之。性則爛腸之食。伐性之斧。何所不至。瓊瑤之宮。玉象之器。何所不為。又何顧他之為。皆在幼時不善輔導之所致也。夫三百諸侯為國家共理。分憂

吏各守封疆而制萬民之命。非為私家之業也。何以一人肆於士大夫之上乎。一國之君。一國之臣民統焉。其治亂盛衰榮辱貧富在國君之仁與不仁。明與暗耳。仁明而不邪。在為莊子時。早諭教之。學記曰。發然後禁。則扞格而不勝。時過然後學。則勤苦而難成。易曰。君子慎始。差若豪釐。縲以千里。有子曰。君子務本。本立而道生。傳曰。

其本亂而末治者否矣。世子國之本也。故教之可急。莫先於此矣。生而尊者。驕生而富者。傲驕。傲不可以治民。膏粱之性。難正也。非人君國相。選嚴師傅。而委之教導。何由得成乎。人固不可無學。性質雖美乎。非學以弘之。其業不大矣。南山之竹。雖直為矢。以射。非括之羽之鏃。而礪之。豈能深入乎。且雖選師傅。而置之。有衆楚咻之。則一

薛居州末如之何。己又在多選正士。常不離側。優游薰陶於其間而已。如斯。其庶幾哉。韓獻子曰。始與善。善進。善不善。善由至矣。始與不善。不善進。不善善。亦蔑由至矣。可不慎與。夫人幼而學之。壯而欲行之。方其事君也。竭精神。盡思慮。陳見悃誠。而不見聽動。而得謗。沈下僚。而窮處。此古今志士之所慨也。雖仲尼之聖。不得其位。則不

能行其道矣。今國君無有貴富，居得行之位，操可_レ行之勢，何_レ令不行，何_レ禁不止。雖時世風俗有_レ不得行，有志者竟成，此座可惜哉。若夫謀猷行乎上，德澤播於下，各得其所，朝野歡虞，仰之如日月，愛之若父母，則心廣體胖，不_レ亦樂乎。則可謂能居天職也。非仁以安民，明以照下，何以能至于斯哉。若_レ有君而不君，民無所措手足，宰小邑古

人已有_レ不製錦之喻。治大國，今時豈無教琢玉之誚，亦唯三百，何不_レ早諭乎。故余謂教千萬人，不如_レ教一世子矣。且為君難，共承於祖先也。藩屏於國家也。而闔國憂喜，大壽繫焉。然則傳之任重矣哉。亦難矣。客曰：聞子之言，益知予之責重矣。若_レ有芒刺在背，願聞其說之詳，而從事於斯焉。庶幾免於罪戾乎。吾之責塞也。子之賜也。余


感其靈已受人之切切ナルニ因采錄下歷代賢臣有
 益輔導之言上以贈之凡四卷命曰輔儲編
 雖擦撫不博足以見其梗槩矣書中雖多
 論天子太子亦可以施之國君世子也於
 天下與於一國小大雖殊其所以臨下
 也嗚呼國君卿相讀此書而上稽之古昔
 教幼子之道下參之當世事勢之宜則於
 輔下庶幾其不畔乎若其當成立

之時則不染于侈靡之習俗能體ニ神祖
 深根固蒂之勤昭祖先カシ詒厥燕翼之美考
 百事於朝問ヒ謗譽於路復歸朴素修明舊
 政恤鰥寡孤獨和協士民之心開設學校
 釋奠於先聖先師思下國家與諸侯共天
 下之意其國之所以安其位之所以貴上子
 子孫孫永享無疆之福矣大之求天下治
 安長久之術其在斯乎其在斯乎

明和丙戌之秋南總宇惠撰



源師道書



輔儲編卷之一

南總宇惠子迪輯

東都岡故完伯固校



太任者文王之母摯任氏中女也王季娶為妃太任
 之性端一誠莊惟德之行及其有娠目不視惡色耳
 不聽淫聲口不出敖言能以胎教搜于豕牢而生文
 王王文王生而明聖太任教之以一而識百君子謂太
 任為能胎教古者婦人妊子寢不側坐不邊立不蹕
 不食邪味割不正不食席不正不坐目不視于邪色
 耳不聽于淫聲夜則令瞽誦詩道正事如此則生子

形容端正才德必過人矣故姓子之時必慎所感感于善則善感于惡則惡人生而肖父母者皆其母感于物故形音肖之文王母可謂知肖化矣列女傳
 國君世子生告于君接以大牢宰掌具三日士負之吉者宿齊朝服寢門外詩負之射人以桑弧蓬矢六射天地四方保受乃負之宰醴負子賜之束帛士之妻大夫之妾使食子凡接子擇日冢子則大牢庶人特豚士特豕大夫少牢國君世子大牢其非冢子則皆降一等異為孺子室於宮中擇於諸母與可者必求其寬裕慈惠温良恭敬慎而寡言者使為子

師其次為慈母其次為保母皆居子室他人無事不往三月之末擇日翦髮為髻男角女羈否則男左女右是日也妻以子見於父貴人則為衣服由命士以下皆漱澣男女夙興沐浴衣服具視朝食夫入門升自阼階立于阼西鄉妻抱子出自房當楣立東面姆先相曰母某敢用時日祗見孺子夫對曰欽有帥父執子之右手咳而名之妻對曰記有成遂左還授師子師辯告諸婦諸母名妻遂適寢夫告宰名宰辯告諸男名書曰某年某月某日某生而藏之宰告閭史閭史書為二其一藏諸閭府其一獻諸州史州史獻

諸州伯州伯命藏諸州府夫入食如養禮世子生則君沐浴朝服夫人亦如之皆立于阼階西鄉世婦抱子升自西階君名之乃降適子庶子見於外寢撫其首咳而名之禮帥初無辭凡名子不以日月不以國不以隱疾大夫士之子不敢與世子同名公庶子生就側室三月之末其母沐浴朝服見於君擯者以其子見君所有賜君名之衆子則使有司名之食子者三年而出見於公宮則劬大夫之子有食母士之妻自養其子冢子未食而見必執其右手適子庶子已食而見必循其首子能食食教以右手能言男唯女

俞男鬢革女鬢絲六年教之數與方各七年男女不同席不共食八年出入門戶及卽席飲食必後長者始教之讓九年教之數日十年出就外傳居宿於外學書計衣不帛襦袴禮帥初朝夕學幼儀請肄簡諒十有三年學樂誦詩舞勺成童舞象學射御二十而冠始學禮可以衣裘帛舞大夏惇行孝弟博學不教內而不出三十而有室始理男事博學無方孫友視志四十始仕方物出謀發慮道合則服從不可則去五十命爲大夫服官政七十致事凡男拜尚左手女子十年不出姆教婉婉聽從執麻枲治絲繭織紵組

紉學女事以共衣服觀於祭祀納酒漿籩豆菹醢禮
 相助奠十有五年而笄二十而嫁有故二十三年而
 嫁聘則為妻奔則為妾凡女拜尚右手禮記內則
 曾子問曰君薨而世子生如之何孔子曰卿大夫士
 從攝主北面於西階南大祝裨冕執束帛升自西階
 盡等不升堂命母哭祝聲三告曰某之子生敢告升
 奠幣于殯東几上哭降衆主人卿大夫士房中皆哭
 不踊盡一哀反位遂朝奠小宰升舉幣三日衆主人
 卿大夫士如初位北面大宰大宗大祝皆裨冕少師
 奉子以衰祝先子從宰宗人從入門哭者止子升自

足利本
上有告

西階殯前北面祝立于殯東南隅祝聲三曰某之子
 某從執事敢見子拜稽顙哭祝宰宗人衆主人卿大
 夫士哭踊三者三降東反位皆袒子踊房中亦踊三
 者三襲衰杖奠出大宰命祝史以名徧告于五祀山
 川曾子問曰如已葬而世子生則如之何孔子曰大
 宰大宗從大祝而告于禩三月乃名于禩以名徧告
 及社稷宗廟山川禮記曾子問
 文王之為世子朝於王季日三雞初鳴而衣服至於
 寢門外問內豎之御者曰今日安否何如內豎曰安
 文王乃喜及日中又至亦如之及莫又至亦如之其

有不_レ安_レ節_レ則內豎以告_レ文王文王色憂行不能_レ正履
 王季復膳然後亦復初食上必在_レ視寒煖之節食下
 問所膳命膳宰曰未有_レ原應曰諾然後退武王帥而
 行之不敢_レ有加焉文王有疾武王不_レ說冠帶而養文
 王一飯亦一飯文王再飯亦再飯旬有二日乃_レ間成
 王幼不能_レ泣昨周公相踐昨而治抗世子法於伯禽
 欲令_レ成王之知父子君臣長幼之道也成王有過則
 撻伯禽所以示成王世子之道也文王之為_レ世子也
 凡學世子及學士必時春夏學_レ干戈秋冬學_レ羽籥皆
 於東序小樂正學_レ干大胥贊_レ之籥師學_レ戈籥師丞贊

之胥鼓南春誦夏弦大師詔_レ之瞽宗秋學禮執禮者
 詔_レ之冬讀書典書者詔_レ之禮在瞽宗書在上庠凡祭
 與養老乞言合語之禮皆小學正詔_レ之於東序大樂
 正學舞干戚語說命乞言皆大樂正授數大司成論
 說在東序凡侍坐於大司成者遠近間三席可以_レ問
 終則負_レ牆列事未_レ盡不_レ問凡學春官釋奠于其先師
 秋冬亦如_レ之凡始立學者必釋奠于先聖先師及行
 事必以_レ幣凡釋奠者必有_レ合也有國故則否凡大合
 樂必_レ遂養老凡語于郊者必取_レ賢斂才焉或以_レ德進
 或以_レ事舉或以_レ言揚曲藝皆_レ誓之以_レ待又語三而一

鄭註與當作

有焉乃進其等以其序謂之郊人遠之於成均以及取爵於上尊也始立學者既興器用幣然後釋菜不舞不授器乃退饋于東序一獻無介語可也教世子凡三王教世子必以禮樂樂所以脩內也禮所以脩外也禮樂交錯於中發形於外是故其成也懌恭敬而温文立太傅少傅以養之欲其知父子君臣之道也太傅審父子君臣之道以示之少傅奉世子以觀太傅之德行而審喻之太傅在前少傅在後入則有保出則有師是以教喻而德成也師也者教之以事而喻諸德者也保也者慎其身以輔翼之而歸諸道

者也記曰虞夏商周有師保有疑丞設四輔及三公不必備唯其人語使能也君子曰德德成而教尊教尊而官正官正而國治君之謂也仲尼曰昔者周公攝政踐阼而治抗世子法於伯禽所以善成王也聞之曰為人臣者殺其身有益於君則為之況于其身以善其君乎周公優為之是故知為人子然後可以為人父知為人臣然後可以為人君知事人然後能使人成王幼不能蒞阼以為世子則無為也是故抗世子法於伯禽使之與成王居欲令成王之知父子君臣長幼之義也君之於世子也親則父也尊則君

也。有父之親，有君之尊，然後兼天下而有之，是故養世子不可不慎也。行一物而三善皆得者，唯世子而已。其齒於學之謂也。故世子齒於學，國人觀之曰：將君我而與我齒讓何也？曰：有父在則禮，然而衆知父子之道矣。其二曰：將君我而與我齒讓何也？曰：有君在則禮，然而衆著於君臣之義也。其三曰：將君我而與我齒讓何也？曰：長長也。然而衆知長幼之節矣。故父在斯爲子，君在斯謂之臣，居子與臣之節所以尊君親親也。故學之爲父子焉，學之爲君臣焉，學之爲長幼焉，父子君臣長幼之道得而國治。語曰：樂

正司業，父師司成一有元良，萬國以貞。世子之謂也。周公踐阼，世子之記曰：朝夕至于大寢之門外，問於內豎曰：今日安否？何如？內豎曰：今日安。世子乃有喜色。其有不安，節則內豎以告世子。世子色憂，不滿容。內豎言復初，然後亦復初。朝夕之食上，世子必在視。寒煖之節，食下問所膳，羞必知所進，以命膳宰。然後退。若內豎言疾，則世子親齋玄而養膳宰之饌，必敬視之。疾之藥必親嘗之，嘗饌善則世子亦能食，嘗饌寡世子亦不能飽。以至于復初，然後亦復初。禮記文問國君之子，長幼長則曰能從社稷之事矣。幼則曰

能御未能御禮記少儀

離上離下利貞亨畜牝牛吉豕曰離麗也日月麗

乎天百穀草木麗乎土重明以麗乎正乃化成天下

柔麗乎中正故亨是以畜牝牛吉也象曰明兩作離

大人以繼明照于四方周易離卦

震上震下震亨震來虩虩笑言啞啞震驚百里不喪

匕鬯豕曰震亨震來虩虩恐致福也笑言啞啞後有

則也震驚百里驚遠而懼邇也出可以守宗廟社稷

以為祭主也朱熹本義曰程子以為邇也下脫不說

卦曰乾天也故稱乎父坤地也故稱乎母震一索而

得男故謂之長男序卦曰革物者莫若鼎故受之以

鼎主器者莫若長子故受之以震周易震卦

麟之趾關雎之應也關雎之化行則天下無犯非禮

雖衰世之公子皆信厚如麟趾之時也麟之趾振振

公子于嗟麟兮麟之定振振公姓于嗟麟兮麟之角

振振公族于嗟麟兮毛詩周南

斯干宣王考室也乃生男子載寢之牀載衣之裳載

弄之璋其泣嗶嗶朱芾斯皇室家君王毛詩小雅

假樂嘉成王也于祿百福子孫千億穆穆皇皇宜君

宜王不愆不忘率由舊章毛詩大雅

衛莊公娶于齊東宮得臣之妹曰莊姜美而無子衛人所爲賦碩人也又娶于陳曰厲嬀生孝伯早死其娣戴嬀生桓公莊姜以爲己子公子州吁嬀人之子也有寵而好兵公弗禁莊姜惡之石碏諫曰臣聞愛子教之以義方弗納於邪驕奢淫泆所自邪也四者之來寵祿過也將立州吁乃定之矣若猶未也階之爲禍夫寵而不驕驕而能降降而不憾憾而能眄者鮮矣且夫賤妨貴少陵長遠間親新聞舊小加大淫破義所謂六逆也君義臣行父慈子孝兄愛弟敬所謂六順也去順效逆所以速禍也君人者將禍是務

去而速之無乃不可乎弗聽其子厚與州吁游禁之不可桓公立乃老左傳隱公三年

初晉穆公之夫人姜氏以條之役生太子命之曰仇其弟以千畝之戰生命之曰成師師服曰異哉君之名子也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命太子曰仇弟曰成師始兆亂矣兄其替乎左傳桓公二年

九月丁卯子同生以太子生之禮舉之接以大牢士負之士妻食之公與文姜宗婦命之公問名於申

縑對曰名有五有信有義有象有假有類以名生為
 信以德命為義以類命為象取於物為假取於父為
 類不以國不以官不以山川不以隱疾不以畜牲不
 以器幣周人以諱事神名終將諱之故以國則廢名
 以官則廢職以山川則廢主以畜牲則廢祀以器幣
 則廢禮晉以僖侯廢司徒宋以武公廢司空先君獻
 武廢二山是以大物不可以命公曰是其生也與吾
 同物命之曰同左傳桓公六年

晉侯作二軍公將上軍太子申生將下軍趙夙御戎
 畢萬為右以滅耿滅霍滅魏還為太子城曲沃賜趙

夙耿賜畢萬魏以為大夫士蔿曰太子不得立矣分
 之都城而位以卿先為之極又焉得立不如逃之無
 使罪至為吳太伯亦可乎猶有令名與其及也且
 諺曰心苟無瑕何恤乎無家天若祚太子其無晉乎

左傳閔公元年

晉侯使太子申生伐東山臯落氏里克諫曰太子奉
 冢祀社稷之粢盛以朝夕視君膳者也故曰冢子君
 行則守有守則從從曰撫軍守曰監國古之制也夫
 帥師專行謀誓軍旅君與國政之所圖也非太子之
 事也師在制命而已稟命則不威專命則不孝故君

之嗣適不可以帥師君失其官帥師不威將焉用之
 且臣聞臯落氏將戰君其舍之公曰寡人有子未知
 其誰立焉不對而退見太子太子曰吾其廢乎對曰
 告之以臨民教之以軍旅不共是懼何故廢乎且子
 懼不孝無懼弗得立脩己而不責人則免於難左傳
 二年

晉侯觀于軍府見鍾儀問之有司對曰鄭人所獻楚
 囚也使稅之公曰君王何如對曰其為太子也師保
 奉之以朝于嬰齊而夕于側也左傳成公九年
 王子朝曰昔先王之命曰王后無適則擇立長年鈞

以德德鈞以卜王不立愛公卿無私古之制也昭左傳
 二十六年

十六年公作二軍公將上軍太子將下軍以伐霍師
 未出土為言於諸大夫曰夫太子君之貳也恭以俟
 嗣何官之有今君分之土而官之是左之也吾將諫
 以觀之乃言於公曰夫太子君之貳也而帥下軍無
 乃不可乎公曰下軍上軍之貳也寡人在上申生在
 下不亦可乎士為對曰下不可以貳上公曰何故對
 曰貳若體焉上下左右以相心目用而不倦身之利
 也上貳代舉下貳代履周旋變動以役心目故能治

事以制百物若下攝上與上攝下周旋不變以違心
 且其反為物用也何事能治故古之為軍也軍有左
 右闕從補之成而不知是以寡敗若以下貳上闕而
 不變敗弗能補也變非聲章弗能移也聲章過數則
 有釁有釁則敵入敵入而凶救敗不暇誰能退敵敵
 之如志國之憂也可以陵小難以征大君其圖之公
 曰寡人有子而制焉非子之憂也對曰夫太子國之
 棟也棟成乃制之不亦危乎公曰輕其所任雖危何
 害士為出語人曰太子不得立矣改其制而不患其
 難輕其任而不憂其危君有異心又焉得立行之克

穆文熙曰
 士為之棟
 獻公甚力
 而其為太
 子謀又的
 然可循乃
 父子一無
 所售卒成
 大難禍變
 之來果真
 自天而人
 固不可回
 歟

也將以害之若其不克其因以臯之雖克與不無所
 避臯與其勤而不入不如逃之君得其欲太子遠死
 且有令名為吳太伯不亦可乎太子聞之曰子輿之
 為我謀忠矣然吾聞之為人子者患不從不患無名
 為人臣者患不勤不患無祿今我不才而得勤與從
 又何求焉焉能及吳太伯乎太子遂行克霍而反讒
 言彌興國語晉語一

十七年冬公使太子伐東山里克諫曰臣聞臯落氏
 將戰君其釋申生也公曰行也對曰非故也君行太
 子居以監國也君行太子從以撫軍也今君居太子

行未有此也公曰非子之所知也寡人聞之立太子之道三身鈞以年年同以愛愛疑決之以卜筮子無謀吾父子之間吾以此觀之公不說里克退見太子太子曰君賜我偏衣金玦何也里克曰孺子懼乎衣躬之偏而握金玦令不偷矣孺子何懼夫為人子者懼不孝不懼不得且吾聞之敬賢於請孺子勉之乎君子曰善處父子之間矣同上

文公問於胥臣曰吾欲使陽處父傳謹也而教誨之其能善之乎對曰是在謹也蘧篠不可使俛戚施不可使仰焦僥不可使舉侏儒不可使援矇瞍不可使

視噐瘖不可使言聾聵不可使聽僮昏不可使謀質將善而賢良贊之則濟可蒞也若有違質教將不入其何善之為臣聞昔者大任娠文王不變少浴于豕牢而得文王不加病焉文王在母不憂在傅弗勤處師弗煩事王不怒敬友二虢而惠慈二蔡刑于大妣比于諸弟詩云刑于寡妻至於兄弟以御於家邦於是乎用四方之賢良及其卽位也詢於八虞而咨於二虢度於閔矣而謀于南宮諏于蔡原而訪于辛尹重之以周召畢榮億寧百神而柔和萬民故詩曰惠於宗公神罔時恫是則文王非專教誨之力也公曰

然則教無益乎對曰胡為文益其質故人生而學非
 學不入公曰奈夫八疾何對曰官師之所材也戚施
 直縛蘧篠蒙瑯侏儒扶盧矇矂修聲聾聵司火僮昏
 嚚瘖焦僂官師所不材也以實裔土夫教者因體能
 質而利之者也若川然有原以仰浦而後大國語晉
 莊王使士亶傳太子蒧辭曰臣不材無能益焉王曰
 賴子之善善之也對曰夫善在太子太子欲善善人
 將至若不欲善善則不用故堯有丹朱舜有商均啓
 有五觀湯有太甲文王有管蔡是五王者皆元德也
 而有姦子夫豈不欲其善不能故也若民煩可教訓

蠻夷戎翟其不賓也久矣中國所不能用也王卒使
 傅之問於申叔時叔時曰教之春秋而為之聳善而
 抑惡焉以戒勸其心教之世而為之昭明德而廢幽
 昏焉以休懼其勤教之詩而為之道廣顯德以耀明
 其志教之禮使知上下之則教之樂以疏其穢而鎮
 其浮教之令使訪物官教之語使明其德而知先王
 之務用明德於民也教之故志使知廢興者而戒懼
 焉教之訓典使知族類行比義焉若是而不從勳而
 不悛則文詠物以行之求賢良以翼之悛而不攝則
 身勤之多訓典刑以納之務慎惇篤以固之攝而不

徹則明施舍以道之忠明久長以道之信明度量以道之義明等級以道之禮明恭儉以道之孝明敬戒以道之事明慈愛以道之仁明昭利以道之文明除害以道之武明精意以道之罰明正德以道之賞明齊肅以耀之臨若是而不濟不可爲也且夫誦詩以輔相之威儀以先後之體貌以左右之明行以宣翼之制節義以動行之恭敬以臨監之勤勉以勸之孝順以納之忠信以發之德音以揚之教備而不從者非人也其可興乎夫子踐位則退自退則敬不則赧國語楚語上

或稱春秋而爲之聳善而抑惡以革勸其心教之禮使知上下之則宜或爲之稱詩而廣道顯德以馴明其志教之樂以疏其穢而填其浮氣教之語使明於上世而知先王之務明德於民也教之故記使知廢興者而戒懼焉教之任術使能紀萬官之職任而知治化之儀教之訓典使知族類疏戚而隱比馴焉此所謂學太子以聖人之德者也或明惠施以道之忠明長短以道之信明度量以道之義明等級以道之禮明恭儉以道之孝明敬戒以道之事明慈愛以道之仁明儻雅以道之文明除害以道之武明精直以

大戴禮論
作論人作
王君國作
國君義理
作禮義個
作開無天
子二字無
業之之之

道之罰明正道以道之賞明齊肅以道之教此所謂
教太子也左右前後莫非賢人以輔相之總威儀以
先後之攝體貌以左右之制義行以宣翼之章恭敬
以監行之勤勞以勸之孝順以內之敦篤以固之忠
信以發之德言以揚之此所謂順者也此傳人之道
也非賢者不能行天子不諭於先聖人之德不知君
國畜民之道不見義理之正不察應事之理不博古
之典傳不憫於威儀之數詩書禮樂無經天子學業
之不法凡此其屬太師之任也古者齊太公職之天
子不姻於親戚不惠於庶民無禮於大臣不中於刑

大戴禮直
作誠

大戴禮作
聲言不中
律進退節
度無禮升
降揖讓無
容周旋無
仰視瞻無
儀安顧咳
唾趨行不

獄無經於百官不哀於喪不敬於祭不直於戎事不
信於諸侯不誠於賞罰不厚於德不彊於行賜予侈
於左右近臣去授於疏遠卑賤不能懲忿窒欲大行
大禮大義大道不從大師之教凡此其屬太傅之任
也古者魯周公職之天子處位不端受業不敬教誨
諷誦詩書禮樂之不經不法不古言語不序音聲不
中律將學趨讓進退即席不以禮登降揖讓無容視
瞻俯仰周旋無節妄咳唾數顧趨行不得色不比順
隱琴肆瑟凡此其屬大保之任也古者燕召公職之
天子燕辟廢其學左右之習詭其師答遠方諸侯遇

得色不比
順隱琴瑟
天子宴瞻
其學大雅
作文雅間
作簡無誦
之之
大戴禮
作集

大戴禮
作懔懦
作餒

大戴禮
御作御
作藏

貴大人不知大雅之辭答左右近臣不知已諾之適
問小誦之不博不習凡此其屬少師之任也古者
史佚職之天子居處出入不以禮衣服冠帶不以制
御器在側不以度雜絲從美不以章忿怒說喜不以
義賦與噍讓不以節小行小禮小義小道凡此其屬
少傅之任也天子居處燕私安所易樂而湛夜漏屏
人而數飲酒而醉食肉而飽飽而彊飢而餒暑而暍
寒而懦寢而莫宥坐而莫侍行而莫先莫後帝自為
開戶自取玩好自執器皿亟顧還面而器御之不舉
不臧折毀喪傷凡此其屬少保之任也干戚戈羽之

大戴禮
作音

舞管籥琴瑟之會號呼謠謠聲音不中律燕樂雅誦
頌樂序凡此其屬詔工之任也不知日月之不時不
知先王之諱與國之大忌不知風雨雷電之節凡此
其屬太史之任也賈誼新書傳職篇
殷為天子二十餘世而周受之周為天子三十餘世
而秦受之秦為天子二世而亡人性非甚相遠也何
殷周之君有道之長也而秦無道之暴也其故可知
也古之王者太子初生固舉以禮使士負之有司齋
肅端冕見之南郊見于天也過闕則下過廟則趨孝
子之道也故自為赤子時而教固已行矣昔者周成

王幼在襁褓之中，召公為太保，周公為太傅，太公為太師，保保其身體，傅傅之德義，師道之教訓。此三公之職也。於是為置三少，皆上大夫也。曰少保、少傅、少師。是與太子燕居者也。故孩提有識，三公三少固明孝仁禮義，以道習之，逐去邪人，不使見惡行。於是皆選天下之端士、孝悌博聞有道術者，以衛翼之。使與太子居處出入，故太子初生而見正事，聞正言，行正道，左右前後皆正人也。習與正人居之，不能無正，猶生長於齊，不能不齊語也。習與不正人居之，不能無不正，猶生長於楚，之地不能不楚言也。故擇其所嗜，必

漢書好作
妃宮作官

大戴禮考
作端匡作
達

先受業，乃得嘗之。擇其所樂，必先有習，乃得為之。孔子曰：少成若天性，習貫如自然。是殷周之所以長有道也。及太子少長，知好色，則入于學。學者所學之官也。學禮曰帝入東學，上親而貴，仁則親疏有序而恩相及矣。帝入南學，上齒而貴，信則長幼有差而民不誣矣。帝入西學，上賢而貴，德則聖智在位而功不遺矣。帝入北學，上貴而尊，爵則貴賤有等而下不踰矣。帝入太學，承師問道，退習而考於太傅。太傅罰其不則而匡其不及，則德智長，治道得矣。此五學者，既成於上，則百姓黎民化輯於下矣。學成治就，是殷周所

大戴禮作
史之義不
得不書過
不書過則
死過書而
宰徹去膳
夫膳宰之
義不得徹
徹膳不徹
膳則死徹
大戴禮敬
作別

漢書忍作
食

以長有道也及太子既冠成人免於保傅之嚴則有
司過之史有徹膳之宰太子有過史必書之史之義
不得書過則死而宰收其膳宰之義不得收膳則死
於是有進善之旌有誹謗之木有敢諫之鼓瞽史誦
詩工誦箴諫大夫進謀士傳民語習與智長故切而
不愧化與心成故中道若性是殷周之所以長有道
也三代之禮天子春朝朝日秋暮夕月所以明有敬
也春秋入學坐國老執醬而親饋之所以明有孝也
行以鸞和步中采薺趨中肆夏所以明有度也其於
禽獸也見其生不忍其死聞其聲不嘗其肉故遠庖

廚所以長恩且明有仁也食以禮徹以樂失度則史
書之工誦之三公進而讀之宰夫減其膳是天子不
得為非也明堂之位曰篤仁而好學多聞而道順天
子疑則問應而不窮者謂之道道者道天子以道者
也常立於前是周公也誠立而敢斷輔善而相義者
謂之輔輔者輔天子之意者也常立於左是太公也
潔廉而切直匡過而諫邪者謂之拂拂者拂天子之
過也常立於右是召公也博問彊記捷給而善對者
謂之承承者承天子之遺忘者也常立於後是史佚
也故成王中立聽朝則四聖維之是以慮無失計而

漢書無故字

舉無過事殷周之所以長久者以其輔翼太子有此具也及秦而不然其俗固非貴辭讓也所上者告訐也固非貴禮義也所上者刑罰也故趙高傳胡亥而教之獄所習者非斬劓人則夷人之三族也故今日即位明日射人忠諫者謂之誹謗深為之計者謂之妖言其視殺人若艾草管然豈胡亥之性惡哉其所習道之者非其理故也鄙諺曰不習為吏而視己事又曰前車覆而後車戒夫殷周之所以長久者其已事可知也然而不能從者是不法聖智也秦之亟絕者其軌迹可見也然而不避是後車又覆也夫存

大戴禮理作治

漢書亟上有所以二字

大戴禮濫作疑義下有理字

亡之故治亂之機其要在是矣天下之命懸於太子太子之善在於蚤諭教與選左右夫心未濫而先諭教則化易成也夫開於道術知義之指則教之功也若其服習積貫則左右而已矣夫胡越之人生而同聲嗜慾不異及其長而成俗也累數譯而不能相通行有雖死而不相為者則教習然也臣故曰選左右蚤諭教最急夫教得而左右正則太子正矣太子正而天下定矣書曰一人有慶兆民賴之此時務也

大戴禮左有左右正三字

新書保傅篇

孟孫獵得麇使秦西巴載之持歸其母隨之而啼秦

西巴弗忍而與之孟孫歸至而求甕答曰予弗忍而
 與其母孟孫大怒逐之居三月復召以為其子傅其
 御曰曩將罪之今召以為子傅何也孟孫曰夫不忍
 甕又且忍吾子乎故曰巧詐不如拙誠樂羊以有功
 見疑秦西巴以有罪益信韓非子

鼂錯為太子舍人門大夫遷博士上書言人主所以
 尊顯功名揚於萬世之後者以知術數也故人主知
 所以臨制臣下而治其衆則群臣畏服矣知所以聽
 言受事則不欺蔽矣知所以安利萬民則海內必從
 矣知所以忠孝事君則臣子之行備矣此四者臣竊

為皇太子急之人臣之議或曰皇太子亡以知事為
 也臣之愚誠以為不然竊觀上世之君不能奉其宗
 廟而劫殺於其臣者皆不知術數者也皇太子所讀
 書多矣而未深知術數者不問書說也夫多誦而不
 知其說所謂勞苦而不為功臣竊觀皇太子材智高
 奇馭射伎藝過人絕遠然於術數未有所守者以陛
 下為心也竊願陛下幸擇聖人之術可用今世者以
 賜皇太子因時使太子陳明於前唯陛下裁察漢書鼂錯傳

天子太子年十八曰孟侯孟侯者於四方諸侯來朝

迎於郊者問其所不知也尚書大傳

天子之太子諸侯之世子皆就於外者尊師重先王之道也故曲禮曰禮有來學不聞往教也白虎通

何以知天子之子稱世子春秋傳曰王世子會于首止是也何以知天子之子稱太子尚書曰太子發升

于舟是也或云諸侯之子稱世子則春秋傳云晉有太子申生鄭有太子華齊有太子光由是觀之周制

太子世子亦不定也漢制天子稱皇帝其嫡嗣稱皇太子諸侯王之嫡稱世子後代咸因之同上

孝成皇帝元帝太子母曰王皇后元帝在太子宮生

甲觀畫堂為世嫡皇孫宣帝愛之字曰太孫常置左

右年三歲而宣帝崩元帝即位立為太子壯好經書寬博謹慎初居桂宮上嘗急召太子出龍樓門不敢

絕馳道西至直城門得絕乃度還入作室門上遲之問其故以狀對上大悅乃著令太子得絕馳道漢書

建武時天下墾田不實詔下州郡檢其事帝見陳留吏牘上有書曰潁川弘農可問河南南陽不可問帝

詰吏祇言於長壽街得之帝怒時明帝年十二在幄後曰吏受郡勅當欲以墾田相妨耳帝曰即如此何

故言河南南陽不可問對曰河南帝城多近臣南陽

帝鄉多近親田宅踰制不可為準帝令詰問乃首服
如顯宗言東觀漢記

光武帝二十八年大會百官詔問誰可傳太子者羣
臣承望上意皆言太子舅執金吾原鹿侯陰識可博
士張佚正色曰今陛下立太子為陰氏乎為天下乎
即為陰氏則陰侯可為天下則固宜用天下之賢亦
帝稱善曰欲置者以輔太子也今博士不難正朕況
太子乎即拜佚為太子太傅而以榮為少傅後漢書
桓榮傳

輔儲編卷之一

